

Reglament

STRUCTURAS DIL DI
DALLA SCOLAVIVA



Consorzi da scola primara Laax | Falera

Consorzi dil scalem superiur Laax | Falera | Sagogn | Schluein

1. Basa

1.1. Principi directiv

Cugl accumpignament d'affons complementar alla scola risgardein nus las fuormas da viver semidadas dils carstgauns. Nus mirein per in bien contuorn el qual il beinesser digl affon ei el center.

1.2 Basa legala

Il regulativ sebasea silla lescha da scola dil Grischun (art. 27), silla lescha davart la promoziun digl accumpignament d'affons complementar alla famiglia dil cantun Grischun (art. 10) sco era sill'ordinaziun cantunala davart ulteriuras structures dil di (421.030) ch'ei revedida parzialmein ed entrada en vigur cugl onn da scola 2019/2020.

2. Organisaziun

2.1 Gruppa da destinaturs

Las structures dil di inclus meisa da miezdi vegnan offeridas per tuts affons dalla Scolaviva, naven dalla scoletta tochen la 9. classa.

2.2. Purschida e temps d'accumpignament

2.2.1 Basa

La viseta dallas purschidas digl accumpignament complementar alla scola ei facultativa. Quei schabegia regularmein singuls ni plirs dis l'jamna cun in'annunzia corrispundenta. Gl'accumpignament sur miezdi e dil suentermiezdi ei da gliendisdis tochen venderdis.

2.2.2 Temps d'accumpignament

Gl'accumpignament complementar alla scola porscha la Scolaviva duront las jamnas da scola. Da firai generals dat ei neginas purschidas complementaras alla scola.

Unitads d'accumpignament	
gliendisdis - venderdis	
Accumpignament la damaun	07.30 - 08.00
Accumpignament gl'avonmezdi = temps d'instrucziun (senza cuosts)	08.15 - 09.00
	09.05 - 09.50
	10.10 - 10.55
	11.00 - 11.45
Accumpignament sur miezdi	11.45 - 13.15
Accumpignament suentermiezdi	13.15 - 14.15
	14.15 - 15.15
	15.15 - 16.15
	16.15 - 17.15
	17.15 - 18.00

2.2.3 Occupaziun

Gl'accumpignament vegn da principi garantius gl'avonmiezdi d'ina persuna d'instrucziun (resp. ina persuna d'instrucziun dalla scoletta). Duront il temps da bloc sa ina persuna accumpignar entochen 20 affons. Gl'accumpignament dil suentermiezdi sa vegnir purschius era cun personal senza scolaziun pedagogica.

2.3 Administraziun

2.3.1 Annunzia

- Gl'accumpignament complementar alla scola ei ina purschida slargiada ch'ei buca obligatorica pils affons.
- Il formular d'annunzia san ins retrer dil secretariat, el cumpara el newsletter ed ins sa era scargar el dalla pagina d'internet dalla scola (www.scolaviva.ch).
- Tenor gl'urari d'instrucziun fixeschan ils geniturs ils temps d'accumpignament giavischai.
- L'annunzia ei ligionta e vala naven dall'entschatta digl onn da scola. Aschinavon ch'ei ha avunda plazs libers san ulteriurs affons vegnir recepi era duront gl'onn current.
- Ei dat negin dretg sin in plaz d'accumpignament.
- Il transport dils affons (purta la damaun e vegnir per els il suentermiezdi/la sera digl accumpignament complementar alla scola) ei caussa dils geniturs. La via per vegnir e returnar dalla structura dil di/scola/scoletta ei buca surveglada.

2.3.2 Segirada

Analog al menaschi da scola ein geniturs e responsabels per l'educaziun responsabels per la segirada da malsaus da lur affon. Per accidents en scola fan ils purtaders dalla scola ina segirada d'accident pils scolars e per las scolaras. La purschida d'accumpignament e dalla meisa da miezdi ha ina segirada conforma da responsabilidad da menaschi.

Sch'in affon ha in accident duront il menaschi d'accumpignament e/ni meisa da miezdi vegnan geniturs e responsabels per l'educaziun sco era la persuna d'instrucziun dalla classa informai. Igl affon blessau vegn menaus immediatamein tiel miedi (miedi da scola) ni el spital.

2.3.3 Malsognas

Affons malsaus astgan buca far diever digl accumpignament resp. dalla meisa da miezdi. La persuna d'accumpignament ni il secretariat ein d'informar immediatamein.

2.3.4 Medicaments

Cull'annunzia (per accumpignament e/ni meisa da miezdi) ston geniturs e responsabels per l'educaziun informar la persuna d'accumpignament pertuccont particularitads, allergias sco era prender medicaments ni autras mesiras da sustegn medicinal. Medicaments persunals ston vegnir dai giu al personal d'accumpignament cun instrucziuns corrispudentas a scret.

2.3.5 Segirtad e cass d'urgenza

Ei vala il concept per cass d'urgenza vertent ed actual dalla Scolaviva.

2.3.6 Absenzas diils affons

Absenzas planisablas (p. ex. congedis, visetas da miedis, dis da joker) ston vegnir annunziadas alla persuna d'accumpignament, e quei il di avon sil pli tard tochen las 13:30. Absenzas spontanas (accidents, malsognas e.a.v.) ston vegnir annunziadas aschi baul sco pusseivel alla persuna d'accumpignament ni al secretariat, sil pli tard denton tochen las 07:30 dil di valeivel. Maunca in affon senza perstgisar, s'informescha il personal d'accumpignament tier la persuna d'instrucziun da classa ed eventualmein tiels geniturs. Tuttas absenzas vegnan facturadas culla tariffa cumpleina.

2.3.7 Termins da disdetga

In'annunzia a scret oblighescha da surprender ils cuosts e vala per regla pigl entir onn da scola. Ils geniturs han denton la pusseivladad da disdir silla fin d'in semester da scola ni da midar las unitads digl accumpignament.

2.3.8 Exclusiun

La direcziun dalla scola ha il dretg d'excluder singuls affons a cuorta vesta dalla purschida. L'exclusiun d'in affon a liunga vesta dispona il cussegl da scola sin proposta dalla direcziun dalla scola en cunvegnientscha cul personal dalla direcziun. Cull'exclusiun vegnan ils cuosts per la structura dil di tochen la fin dil meins buca relaxchai.

3. Tariffas

Entradas suttamessas alla taglia plus 10% dalla facultad suttamessa a taglia			damaun	avonmiezdi	Sur miezdi incl. proviantaziun	Sunentermiezdi
scalem	Naven da CHF	entochen CHF	07.30 - 08.00	08.15 - 11.45	11.45 - 13.15	pro Std.
A	CHF -	CHF 34'999.00	CHF 1.00	Temps d'instrucziuns = senza cuosts	CHF 5.00	CHF 1.00
B	CHF 35'000.00	CHF 59'999.00	CHF 3.00		CHF 7.00	CHF 3.00
C	CHF 60'000.00	CHF 79'999.00	CHF 5.00		CHF 9.00	CHF 5.00
D	CHF 80'000.00		CHF 7.00		CHF 11.00	CHF 7.00

3.1 Contribuziuns

La purschida vegn finanziada da suandontas contribuziuns:

- contribuziuns dil cantun
- contribuziuns dallas vischnauncas
- contribuziuns diils geniturs per unitads entschevidas (unitad = 60 minutas) tenor tabella dallas tariffas.

3.2 Basa da calculaziuns dallas contribuziuns dils geniturs

Las entradas ch'èin decisivas per la tariffa digl accumpignament sebasan da principi sillas entradas ch'èin suttamessas alla taglia (disposiziuns executivas tier la lescha davart la promoziun dall'assistenza d'affons complementara alla scola ed alla famiglia dil cantun Griischun, art. 10 alinea 1).

Las entradas imponidas alla taglia da persunas ch'èin suttamessas alla taglia alla fontauna quantan las autoritads fiscalas tenor art. 99 dalla lescha cantunala da taglia dil Grisichun (tratg giu las expensas professiunalas e deducziuns socialas).

Per calcular lur prestaziun economica vegnan pèrs che vivan en concubinats taxai sco unitad.

3.3 Pagaments

La facturaziun succeda duas gadas ad onn (schaner e zercladur) sur l'administraziun communal da Laax. Sche la persuna responsabla per l'educaziun paga buca il quen suenter duas admoniziuns, sa igl affon vegnir exclus dalla purschida.

La vischnaunca da Laax facturescha ils quens.

3.4 Midadas da tariffa

Ils Consorzi dil scalem primar e dil superiur dalla Scolaviva fixeschan las tariffas. Els èin autorisai d'adattar las tariffas vertentas allas cundiziuns novas. Ina midada eventuala dalla tariffa succeda mintgamai sill'entschatta digl onn da scola. Las informaziuns corrispudentas vegnan comunicadas ensemen cun spedir il formular d'annunzia pigl onn da scola suandont.

3.5 Rabat da fargliuns

Ein plirs affons d'ina famiglia annunziai per las structuradas dil di, dat ei sil scalem corrispudent dalla tariffa in rabat per fargliuns:

Emprem affon d'ina famiglia 100% (scalem da tariffa)

Secund affon d'ina famiglia 90% (rabat da 10%)

Mintga ulteriur affon d'ina famiglia 80% (rabat da 20%)

4. Instanza da recuors

Reclamaziuns e damondas èin da drizzar gl'emprem alla persuna d'accumpignament. En in secund pass vegn la direcziun dalla scola informada. En in tierz vegn il cussegl da scola dil Consorzi corrispudent involvaus.

5. Explicaziun dallas noziuns

5.1 Temps da bloc (senza cuosts)

La nova lescha da scola prescriba sco suonda gl'accumpignament senza cuosts dils scolars dalla Scolaviva durant il temps da bloc:

Scalem da scoletta: Sil scalem da scoletta ei il temps da bloc silmeins quater uras ina suenter l'otra. Da gliendisdis tochen venderdis dallas 07:55 tochen 11:55 garantisce il temps da bloc ina istruzion nuninterrotta ni in accumpignament senza pagament.

Scalem primar: Sil scalem primar secumpona il temps da bloc da silmeins quater lecziuns ina suenter l'otra. Da gliendisdis tochen venderdis dallas 08:00 tochen 11:45 garantisce il temps da bloc ina istruzion nuninterrotta ni in accumpignament senza pagament.

5.2 Accumpignament complementar alla scola (encunter pagament)

Gl'accumpignament complementar alla scola encunter pagament porscha las suandontas pussivladads:

Accumpignament la damaun

La damaun vegnan ils affons da scola accumpignai naven dallas 07:30 tochen che l' istruzion entscheiva.

Accumpignament sur miezdi / meisa da miezdi

Durant il temps senza istruzion sur miezdi vegnan ils affons da scola proviantai ed accumpignai dallas 11:45 tochen las 13:15.

Accumpignament suentermiezdi

Gl'accumpignament dil suentermiezdi include accumpignar e surveglar ils affons tochen maximalmein las 18:00. El local attribuiu per quei intent ni ora el liber vegn zambergiau cun els, fatg giugs e.a.v. Durant quei temps san ils affons era far sur sesez ils pensums (negina assistenza per far pensums).

6. Approbaziun

Il regulativ revediu davart las structures dil di han ils Consorzi da scola primara e scalem superiur dalla Scolaviva approbau ils 2 da december 2019, el entra en vigur cugl onn da scola 2020/21.

Sandra Chistell
presidenta dil cussegl da scola
primara e scalem superiur

Sandra Cavelti
menadra da scola EDK

Daniele Gianotti
menader da scola EDK